

نصیر مسرور

"انتظار"

تألیف
علی عثمان

إنتظار

تأليفه

على عثمان

الشخصيات :

الشخص - الشاب - الفتاه - 4 شخصيات غير محددة الجنس وسيطلق عليهم الجماجم

المكان :

(مكان غير محدد وينقسم المسرح إلى مستويين أحدهما على جداً وكأنه يمثل ربوه مرتفعه ويجلس عليه شخص تبدو عليه علامات الأرستقراطية ويشرب من كأس فى يده وهو فى حاله من الشرود بينما وجهه مشوه بفعل الحرق ،، يوجد على المستوى الأدنى شاب وفتاه فى منتصف المسرح يقفان فى وضع ثابت ... وفى خلفية المسرح إثنان من الجماجم يتسلقان على الحبال وفى الجانبين جمجمتين أخرتين يتأملان المكان)

الشخص : رشفة من كأس النبيذ ربما ساعدتني على النسيان .. ربما أعطت لقدمي القدره لتمضي فى الطريق المظلم دون خوف ... ربما أعطت لجسدي الطاقه لأعدو مسرعاً فى كل الإتجاهات (يفعل مستعظفاً) سيدى الكاهن الأعظم .. أنا ابن ضوء النهار .. أنا أنبل أبناء الشمس الكرام .. (يتسائل) أمن الطبيعى أن أصير خادم الليل اللعين ؟؟ .. سيدى الكاهن الأعظم .. إسأل لى ربك أن أعود فالنهار يبحث عن فارسه النبيل .. أرجوك يا سيدى العظيم .

(موسيقى طقسيه ويتجمع الجماجم الأربع حول الشاب والفتاه ويتلاعبون بهما فى عنف شديد ثم يعودون تاريكنهم ... بينما يتحدث الشخص فى عالمه الخاص)

الشخص : كأساً آخر وثالث ورابع .. مائة كأس ولا تنتهى حلقة الليل اللعين .. النهار .. فلتعود أيها النهار النبيل ... فالفارس المغوار تهلكه مكائد الليل الخبيث .. هيا أيها النهار .

(يتحول حال الشاب والفتاه الى سعادة غامره ويطاردان بعضهما فى مرح)

الشاب : مش هتقدرى تهربى منى .

الفتاه : لأ هقدر .

الشاب : همسك .

الفتاه : ماتعرفش .

الشاب : لو مسكتاك مش هسيبك .

الفتاه : طب ورينى نفسك .

(يسمعان صوت موسيقى فترقص الفتاه ... تهدأ الموسيقى وتختفى تماماً ولازالت الفتاه ترقص
وسط زهول الشاب)

الشاب : فى حاجه غلط !

الفتاه : (تضحك) إنت بتكلم نفسك؟؟

الشاب : لأ .. بس فيه حاجه غلط !

الفتاه : بتقول إيه؟؟ مش سمعاك .

الشاب : إنتى بترقصى على إيه؟؟

الفتاه : المزيكا طبعاً .

الشاب : مافيش مزيكا .

الفتاه : بطل كذب بقى .. مش كل يوم نفس الكدبه ... غير .. إنت إيه ما بتزهقش أبداً ؟

الشاب : النهارده بجد .. مافيش مزيكا فعلاً .. حتى إسمعى كده .

(تننبه الفتاة لعدم وجود موسيقى)

الفتاه : أنا ماأقدرش ما أكملش رقص .. إنت عارف إنى لازم أكمل لنهاية الرقصه (تحاول أن
ترقص ولكن حركاتها تثقل جداً) أرجوك شغلها .. أنا كده هموت

(ينفعل الشاب بشده ويبدأ بالبحث فى كل أرجاء المكان فى جنون وثورته شديده)

الشاب : مزيكا .. مزيكا .. بتشتغل منين دى ؟ طب أنا .. أنا ممكن أغنيك , وإنتى تكملى الرقصه
.. يا ليللى يا ليللى يا ليللى

(تذهب الفتاه فى حاله من الإغماء التام .. تزداد ثورة الشاب وجنونه)

الشاب : قومى .. إنتى لازم تقومى .. ما هو ماينفعش .. أرجوكى ماتسبينيش لوحدى تانى ...

(ينظر حوله وتزداد ثورته ويحدث شخص غير موجود) شغل المزيكا .. أنا بأمرك

تشغل المزيكا .. شغلهااااا (يبدأ فى حاله من الخوف الشديد) ماهو أنا مش هقدر أكمل

لوحدى .. إنت قاصد تعمل كده عشان تثبتلى إنى فشلت .. لأ أنا عمرى ما عرفت الفشل

أبداً .. أنا عمر ما فيه حد يقدر يحدد مصيرى .. أنا قبطان البحر العالى .. أعظم بحار فى

الأرض .. أنا ماحدث يقدر يحدد مصيرى أبداً .. أنااااا (يترنح بشده .. تظهر مجموعة

الجماجم تتلاعب به بشده) أول ما الريح قلب ماعرفتش أظبط إتجاهى .. المركب غرق

وإحنا فى عرض البحر .. كان لازم أعافر .. أعوم .. كله بيقول يلا نفسى .. نفسى وبس ..

وعمت ساعات كتير مش مهم .. أيام كتير ومافيش شط .. أمواج تخبطنى تلسعنى زى

الكرباج .. مش مهم .. بتأدبنى مش مهم .. المهم إنى أوصل .. أوصل وبس .. بس بردو مافيش شط .

(يبدو وكأنه يغرق وسط الجماجم ، و يظهر الشخص بإشاره من الجماجم التى تترقب المشهد)

الشخص : أنا من أستطيع إنقاذك أيها القبطان .

الشاب : أرجوك طلعنى .

الشخص : ليس قبل أن أعقد معك صفقتى .

الشاب : طلعنى وخذ اللى إنت عاوزه .. خذ كل فلوسى .

الشخص : لا أريد مالا ولكنه شرطاً وحيداً .

الشاب : تحت أمرك .

الشخص : صفقتى معك هى أن أنقذك وأتركك على جزيرتى وحيداً .

الشاب : موافق .. أنا

الشخص : هى روضه رائعه خلاه .. ولك فيها كل ما تشتهييه .. ولكن يبقى شرطى الأوحد .

الشاب : موافق .

الشخص : ليس لك عندى إلا طلباً وحيداً .. ولن أستطيع سوى أن ألبيه لك .. ولكنك لن تطلب غيره مهما كانت الظروف .

(لحظة صمت بينما يفكر الشاب)

الشخص : هذا شرطى ولك حق الاختيار .

الشاب : موافق .

(يرمى الشخص عصابة عين للشاب)

الشاب : إيه ده ؟؟؟

الشخص : عينيك .. لا أريد عينيك .

(يضع الشاب العصابة على عينيه وهو منكسر بشده ويضحك الشخص بهستيريا ويقتاده خارجاً)

(تظهر الفتاه وكأنها فى حالة شبحية)

الفتاه : كان نفسى أسمع به قولها حتى لو كذب .. بحبك .. كان نفسى ياخذنى معاه فى خياله .. فى كل مكان .. ماهو كان تملئ معايا .. وأنا قاعده لوحدى .. مع كل الناس .. وأنا بقرا كتاب وأنا بحلم .. حتى فى وسط الزحمة كان بردو معايا .. كان حلمى فى حضنه الدافى يجمع كل ما فى .. يكسرنى مابين دراعاته .. كان يشاركنى نفس الحلم ولو لحظه .. بس يا خساره .

(إيقاع موسيقى صاخب جداً ويظهر الجماجم فى أداء حركى عنيف يظهر من خلاله قوتهم

وسيطرتهم فى كافة أرجاء المكان)

(يدخل الشخص والشاب إلى مكان لا معلوم)

الشخص : مرحباً بك فى وطنك الجديد .. يا ما إسمك ؟

الشاب : وهيفرق معاك إيه ؟؟؟

الشخص : لا شئى سوى لأنادى عليك به .

الشاب : إسمى

الشخص : هذا .. سأسميك هذا .. والآن إذهب يا هذا .. تعال يا هذا ... نم .. إستيقظ يا هذا ...

(يضحك) يا له من أسم جميل .. أليس كذلك ؟؟

(الشاب لا يرد)

الشخص : أنا أسألك يا هذا.. أليس إسماً جميلاً ؟؟

الشاب : اللى تشوفه

الشخص : هى بداية موقفه إذن

(يقوم الشخص بجذب العصابه من على عيني الشاب)

(يصرخ الشاب من شدة الإضاءه)

الشاب : أأأأأأأأأأأأأأأأأه .

الشخص : مابك ؟؟؟

الشاب : عنيا مش قادر أشوف بيها .

الشخص : هما فقط يومين أيها القبطان .

الشاب : هما دول شويه .. يومين فى الكحل ماشوقتش فيهم غير اللون الأسود .

الشخص : لا عليك أيها القبطان الهمام .

الشاب : إحنا فين ؟؟؟؟؟

الشخص : أنا لا أحب الأسئلة ... وعموماً أنت فى الفردوس أو إعتبر نفسك فى الفردوس .. (تتغير

نبرة صوته إلى الحزم) أتعى كلامى جيداً أيها القبطان ؟؟؟

الشاب : ماشى .. حاضر .

الشخص : وإعلم أنك لن ترانى ثانيه .

(يهم الشاب بالكلام فيقطعه الشخص)

الشخص : شششش ... هذا هو شرط اللعبة

(يهم الشخص بالخروج)

الشاب : طب لو حببت أكل ولا أشرب أعمل إيه ؟؟

(يضحك الشخص ويخرج)

(يبدأ الشاب فى تفقد المكان فيجد بعض البقايا لبعض الأشياء المتنافضه ملابس بالية ، أدوات

صيد ، أدوات معمار ، أدوات نجاره ، .. وهكذا .. مع وجود عدة أصوات لأشياء متنافضه تماماً

يتداخل معها أصوات أمواج ، وحشة الصحراء ، هواء ، رعد مع وجود مؤثر ضوئى للبرق)

الشاب : (فى حيره) إيه المكان الغريب ده ... الواحد مش عارفه إن كان صحرا ولا شط ولا

جزيره ولا هو إيه بالظبط يلا مش مهم لأنى أكيد هلاقى مهرب من هنا .

(تخفت إضاءه المكان مع تصاعد أصوات الرعد وصعقات البرق ونسمع هطول أمطار)
الشاب : من أولها مطره ... المكان بيرحب بيا ولا إيه ؟؟؟ يلا المهم ألاقيلي حته متغطيه أدارا فيها.
(يخرج الشاب باحثاً عن مكان للإختباء بينما تظهر الجماجم والفتاه التى ترقص رقصه (ستربتيز)
بينما يتلاعب بها الجماجم)

(بؤرة إضاءه على الشخص على المستوى المرتفع ونراه يعزف على الكمان)
الشخص : وترأ مشدوداً يئن من لمسة عليه ... وترأ مشدوداً لا يدرك سبباً لما هو فيه .. يتألم..
يعانى .. يدرك أن اللمسه عليه إن ثقلت قسمته إلى نصفين ... وترأ مشدوداً يئن .. سيبقى
مشدوداً ولن يكف أبداً عن الأنين

(يعود الشاب وهو فى حاله من الحيره ويطارد أشياء غير محسوسه محاولاً إصطيادها)
الشاب : برودو إختفى مالحقتش أصطاده ... هو أنا ممكن يكون بيتهيالى ؟؟؟؟ لالالالاهو مش
ممكن المكان الطويل العريض ده مافيهوش أى حاجه تتاكل .

(يسمع بعض الأصوات لأشياء غير محسوسه فيحاول البحث ولا يعثر على شئ)
الشاب : يارب أنا بقالى أيام كتير مادقتش لقمه .. يارب أنا نفسى أكل .. اى حاجه تدخل بطنى
وخلص .. أنا كده هموت (يبحث فى كل مكان) مافيش أى حاجه برودو (يتذكر) آه هو
قاللى إن أنا ليا طلب وهو هيقفهولى .. أنا عاوز أكل .. (يعود مستدركاً) لالالالاهو ..
بقى ده إسمه كلام أضيع طلبى الوحيد فى أكله .. (يبدأ فى البحث مرة أخرى) أكيد فى
حل هنا ولا هنا .. ياسلام لو ألاقيلي حته لحمه بمنافعها ..
(ينزل عليه بعض الطعام من الأعلى)

(يأكل فى نهم شديد)

الشاب : أه ده فعلاً قاللى ليك كل اللى تتمناه ... ياسلام بقى فى شوية فاكهة ...

(يظهر الشخص منزوياً جالساً وفى حالة معاناه شديده ومعها آلة الكمان)

الشخص : كان قصراً مليئاً بكل شئ .. إتساعه يصل لأطراف البلده .. كنت أسكنه وحيداً .. لا
شئ معى سوى التى المفضله .. عشنا سوياً أفضل أوقاتنا .. كنت أحكى لها وتحكى لى
.. تناجينى وأناجيها فى وحشة الليل .. عرفت عنى كل أسرارى وعرفت أسرارها ..
فهى لى دائماً وأنا بالطبع لها .. كنا .. (يزيد إنفعاله بشكل تصاعدى) كنا ... فى .. فى
.. فى ليلة حالكه إجتمع فيها أهل البلده .. كان قرارهم إحراقى داخل قصرى ليغتصبوا
أرضى المترامية الأطراف .. أنا مالك تلك البلده .. أنا أشرف وأنبل أبنائها .. أنا .. أنا
فى غرفتى وحيداً .. النيران آتية من كل إتجاه ... النيران لا ترى .. لا تترك شئ ..
النيران جائعه تلتهم كل شئ .. أثاثى .. أمتعتى .. مالى .. ملابسى .. أنااااا .. لا .. لا
أريد لألسنة اللهب أن تتذوق جسدى الملكى .. لا .. لا أريد لألتى أن تفنى .. لا .. لا بد
لمنفذ للهروب .

(الجماجم تنقض على الشخص وتتلاعب به إلى أن تأخذه وتذهب)

(الشاب على الجزيرة ولحيته بارزه مما يدل على مرور وقت طويل بينما يتلاحظ أنه يحدث نفسه وكأنه شخصين مختلفين أحدهما يتحدث الفصحى)

الشاب : هابى بيرزدای تو مى .. هابى بيرزدای تو مى .. عام كامل .. (يضحك ساخراً) اليوم أحتفل بعامى الأول على تلك ... تلك ... (فى ألم) الفردوس .. زى مابيسميها هو .. الفردوس .. (يخرج من الحاله) وبالمناسبه دى أنا جبت لنفسى هديه .. (يخرج عقد من جيبه) .. عقد .. عقد من اللولى .. (يلبس العقد) هاااه إيه رأيك بقى ؟؟ ... يا لها من مفاجأة ساره يا سيدى هذا .. يارب تعجبك يا هذا .. أفضل ما أتى إلى يا سيدى هذا .. لأ ولسه المفاجأه الثانيه كمان أنا عازمك يا هذا على إزازه نبيت إنما إيه مالهاش زى .. ياااه زجاجة كامله يا سيدى هذا ؟ طبعاً إنت عارف إن مافيش أى حاجه تغلى عليك أبداً .. (يصفق بيده) نبيت (تنزل له الزجاجه من الاعلى ويبدأ فى الشرب منها) نخب العام الأول (يشرب) واللى جاى (يشرب) واللى بعده واللى بعده واللى بعده .

(يرقص الشاب مع الزجاجه وكأنها إمراة)

(تخفت الإضاءة)

(تظهر له الفتاه فى عدة أماكن فى المسرح لافتة نظرالشاب كما لو كانت طيفاً)

(يبحث عنها الشاب فى كل الأماكن التى ظهرت فيها وهو يشرب فى شره ه)

(لا يجدها بينما يحدث طيفها الذى يظهر متفرقاً)

الشاب : لازلت إلى الآن أتذكر أيامى الخوالى معك .. أتذكر ملامحك الملائكيه .

الفتاه : أحبك يا أميرى الأعظم .. أحبك يا فارسى الأوحده عبر الأزمان .

الشاب : لازلت أستنشق عبير عطرك المعنق منذ آلاف السنين ، لازال ملمس جسدك الحريرى يداعب يداى .

الفتاه : مدينتى قد فتحت أبوابها لجيوشك البربريه .. هيا إلى الآن فإننى لا أحتمل .. فلنأمر جيش أن يحتل كل ذره فى جسدى الآن .

الشاب : إن نيران أشواقك جعلت الدماء تغلى وتغور فى عروقى .. فأنا الآن أشعر بأنى مارده الأزمنه الغابره .

الفتاه : إليك كلى ، ولنقضى معاً ليله من عصر فوضى .. فأنا أشتاق لرجفتى بين ذراعيك .

(تحدث علاقه جسديه بين الإثنين تنتهى باختفاء الفتاه)

(الشاب نائماً ويستيقظ مفزوعاً)

الشاب : اااااااااااه ... كان حلم ولا حقيقه؟؟ حقيقه .. أيوا كان حقيقه (يبحث عن الفتاه) يا .. يااا ..

أنا حتى ماعرفتش إسمها .. بس هلاقيها .. لازم ألاقها (يبحث فى جنون) ما هو أنا مش هيبأس .. (ينادى) إنتى فيين ؟ ردى عليا .. إنتى فين بقى ؟؟ (يدرك أنه كان فى حالة من الهزيان) ملعون أبو الوحده اللى أنا فيها اللى توصلنى لكده .. أنا خلاص بقيت مريض .. أنا تعبت بجد .. علوز أشوف بنى آدمين .. أكلم أى حد غيرى .. حد يسمعنى غير نفسى .. حد يحس بيا أو حتى مايحسش بحاجه .. أشوف أى مخلوق غيرى ..

(ينفعل بشده) كفايه بقى .. هو أنا مت ودخلت الجحيم ولا ايه ؟؟ (يزداد إنفعاله) كفاليه بقى .. مش معقول أكون كل ده فى خدعه كبيره ...أنا عاوز أموت .. عاوز أموووت .
(يبدأ فى الإسترجاء بينما الشخص على المستوى الأعلى يعزف بالكمان)

الشاب : ياسيدى العظيم .. يا من أوجدتني فى هذا المكان اللامعلوم .. حقق لى طلبى الأوحد .. أريد إنساناً آخر ... لا ١١ .. أريد إمراه تشاركنى تلك الحياه أو الموت الذى أنا فيه .. أريد إمراه تشاطرنى الموده .. الضعف والقوه .. الألم والراحه .. أريد إمراه تتقاسم معى وحشة الليل وبرده وساعاته التى لا تنقضى .. أرجوك أيها السيد العظيم حقق لى طلبى الأوحد .. أرجوك أيها السيد العظيم .

(يرتفع صوت الكمان جداً بينما الشخص يعزف بهستيريا)
(تظهر الفتاه ملقاه على أحد جانبي المسرح)
(يتنبه الشاب لوجود الفتاه)

الشاب : ايه ده ؟

(يجرى عليها ويحملها إلى منتصف الجزيرة)
(يبدأ يتحدث ولكن لكنته مغايره فهو يتلثم دلالة على وحدته)

**الشباب : یااا .. فوقی .. أرجوکی قومی بقی .. دا أنا مستنیکي من زمان .
(تبدأ الفتاه فی الإفافه وتتلفت حولها)**

الفتاه : أنا فين ؟

الشباب : مش عارف .

الفتاه : (تصرخ) إنت مين ؟

الشاب : إنتى اللى مين ؟ أنا عايش هنا لوحدى ولا قيتك مرميه من شويه صغيرين .

الفتاه : هو هنا ده إيه ؟؟ (تتفقد المكان)

الشباب : مش عارف ... بس ده مكان كويس .

الفتاھ : إزای مش عارف و انت عایش فیه ؟

الشاب : لاااا دی قصه طويله قوی .

الفتاه : مالك عامل كده ؟

الشاب : (يتحسس لحيته) آه .. معلش أصلي عايش لوحدي خالص .

الفتاه : إنت غريب قوى !

الشاب : الوحدة .. الوحدة تعمل أكثر من كده بكثير .

الفتاه : أنت إسمك إيه ؟؟

الشاب : إسمي .. (يفكر قليلاً) هذا .. إسمي هو هذا .

الفتاہ : اسم غریب قوی !

الشباب : مش كل حاجه لازم تكون مش غريبه .. هنا هتتعودي على حاجات كتير غير اللى كنتي تعرفيها قبل كده .

- الفتاه :** مش فاهماك !
- الشاب :** ماتدقيش .. المهم إنتى بقى إسمك إيه ؟؟
- الفتاه :** أنا ؟؟
- الشاب :** أكيد مش بسأل نفسى .
- الفتاه :** إسمى .. إسمى .. تلك .. هو ده إسمى يا هذا .
- الشاب :** (يضحك) تلك ومستغربه على إسمى .
- الفتاه :** بقولك إيه مش هنبتيها بالتأليس .
- الشاب :** لالأ .. لا تأليس ولاحاجه .. من النهارده بقينا فى وطن هذا وتلك .
- الفتاه :** مش فاهمه .
- الشاب :** يعنى مافيش نحن ... هذا وتلك وبس .
- الفتاه :** إنت غريب قوى .
- الشاب :** ماتستغريبش .. بكره هتبقى نسخه منى .. تعالى أفرجك على المكان .
- (يصاحبها فى جوله داخل المكان)
- (نرى الشخص وهو يعزف على الكمان فى جنون)
- (يعود الشاب والفتاه تنهج متعبه)
- الفتاه :** إنت عايش على كل ده لوحذك ؟؟
- الشاب :** تخيلي ... أنا هنا الملك والشعب والسلطه وكل حاجه .
- الفتاه :** كل ده عشان ترضى غرورك ؟!
- الشاب :** غرورى ؟!!!
- الفتاه :** إنت فاكرنى مافهمتلكش من أول ماشفتك ولا إيه .. إنت أكيد كنت واحد مكروه وماحدث بيحبك وعشان تلاقى نفسك قررت إنك تمتلك مكان طويل عريض زى ده وتستعبد الكل عندك
- الشاب :** لأ أنا مش كده .. أنا ...
- الفتاه :** إنسان سادى عايش على ألام الناس .
- الشاب :** لأ .. مش بعد ما أستناكى كل ده تيجى فى الآخر وتكونى ...
- الفتاه :** دى الحقيقه .. إنت إنسان مريض .
- (موسيقى مفاجئة فتهم الفتاه بالرقص)
- (ينظر لها الشاب فى اعجاب شديد وسعادة)
- الفتاه :** إيه عجبتك ؟؟؟
- الشاب :** (محاولا إمساكها) أوى .
- الفتاه :** أوعى سبنى .
- الشاب :** (منفعلاً) أنا مش فاهم مالك .. هو فيه إيه ؟؟
- الفتاه :** إسأل نفسك .

الشاب : سألت نفسي 100 مره وبردو مش فاهم .. إنتى بتعملى فيا كده ليه ؟ دا أنا ياما حلمت بيكى وأنا صاحى وأنا نايم إنى ألاقىكى وتكونى معايا .

الفتاه : حاضر تحت أمرك .. ماهو إنت جايينى هنا عشان أكون جاريك وبشروطك .

الشاب : أنا إتمنيك عشان تكونى شريكتى .

الفتاه : مش بالشكل ده .

الشاب : على فكره أنا ماغصبتكيش عشان ترقصيلى .

الفتاه : أرقصلك !! ومين قالك إن أنا رقصت عشانك .. أنا رقصت عشان نفسي .

الشاب : (**ينفعل**) يعنى إبيه ؟؟ أنا عايز أفهم الألغاز دى بقى ؟

الفتاه : هتعمل عليا مش فاهم ؟؟

الشاب : أنا فعلاً مش فاهم حاجه ... (**يهدأ**) مهما كانت أسبابك أنا لازم أعرفها مادام ليها صله بيا

(الفتاه تتذكر الماضى)

الفتاه : نظرات الناس بالنسبالى بقت طلاقات رصاص بتخرم جسمى اللى كل حته فيه بتناديلو .. مشتقاله وهو مش حاسس .. مش عارف إن اللى هو ابتداه فى حد تانى بيكمله كل ليله .. كل ليله ببقى لازم أغمض عيونى وأحكم على نفسي بالعتمه .. بس كنت بصبر نفسي وأقولها إنه أكيد فى يوم هيرجع .. هيعوضنى بنوره عن عتمة عمر بحالو .. كان نفسي أشوفه .. ألمس إديه .. أدارى فى حضنه ، وفى ليله لأقيته .. ومن وسط الناس جريت عليه .. وصلت لعنده .. قولت هعيش العمر معاه .. أخيراً هسكن حضنه .. شافنى ؟ عرفنى؟؟ مد إديه جوه جيوبه .. هيطلع خاتم .. هنعمل حفله ... هنسافر .. هنعيش مع بعض بقيت عمرنا ... إيه !!! إديه كان فيهم قرشين .. حاسب وأخدها وراااا .. أتارى اللى قاعده جنبه دى تبقى مراته ... بس أنا حقى إتسرق .. لما وعدنى إنه هيرجع ليا ماكانتش مابنا .. لما أخذنى فى حضنه زمان وإتدله حياتى .. ماكانتش مابنا .. لما ودعته وهو مسافر بردو ماكانتش مابنا ... حقى .. حقى رح أخده .. وما حسيتش غير لما الدم بقى فى كل مكان .. هربت .. جريت .. حد يلحقنى .. يا خلق .. يا ناس .

(يظهر الشخص فى ماضيها)

الشخص : أنا من أستطيع إنقاذك أيتها الفتاه .

الفتاه : أرجوك خيبنى .

الشخص : ليس قبل أن أعقد معك صفقتى .

الفتاه : موافقه على كل اللى تقوله .

الشخص : صفقتى معك هى أن أنقذك وأخذك إلى روضة خلاه .. ستبقين فيها إلى حين ولكى فيها كل ما تشتهييه .

الفتاه : موافقه .. أنا موافقه .

الشخص : ولن تكونى وحيد .. ولكن يبقى شرطاً واحداً .

الفتاه : موافقه عليه .

الشخص : سترقصين متى سمعتي الموسيقى مهما كان الوقت... وإن إنتهت الموسيقى قبل إكمال الرقصه ستكون نهايتك هذه هي صفقتي ولكي حق الإختيار .

الفتاه : موافقه .

الشخص : ومن الآن إسمك هو تلك .

الفتاه : تلك !!

الشخص : نعم .. إسمك هو تلك .

الفتاه : أرجوك خيبي .. أنا موافقه على كل كلامك .

(يَخْبِطُهَا عَلَى رَأْسِهَا فَتَسْقُطُ مَغْشِيًا عَلَيْهَا فَيَحْمِلُهَا خَارِجًا وَهُوَ مُتَأَثِّرٌ)

(عودة للشباب من حالة التذكر)

الشاب : عشان كده لاقيتك مرميه هناك ؟

الفتاه : مش فاهمه كلامك .

الشاب : قصدي هو هه لما رماكي هناك أنا لاقيتك .

الفتاه : هو و إنت وهناك وهنا .. إنت تقصد إيه بالضبط ؟

الشاب : أقصد (تقطعه الفتاه وهى تضحك)

الفتاه : محاولة رخيصة منك .. عاوز تفهمنى إنه مش خدام عندك وبينفذك كل أوامرك ؟

الشاب : دى الحقيقه أنا الى عبد عنده .

الفتاه : (تضحك) أنا مايفرقش معايا ملامح صاحب الليلة ولا عمرى فكرت فيه هو

ملاك بأجنحه ؟ ولا شيطان بقرون ؟ ما دام وافقت أقضى ليلتي معاه يبقى خلاص .

الشاب : (منفعلاً) بس أنا فعلاً مش زى ما إنتي ما متصورة .. أنا أغلب من كده بكثير أنا إنسان

عائش و خلاص .. مش بحس غير بالنفس اللى بتنفسه .. مابشوفش غير وسع المكان ده

اللى مش لاقيلو نهاية ولا عارف له إسم .. أنا جيت هنا غصب عنى زيك بالضبط .

الفتاه : (متعاطفه) إنت مين ؟

الشباب : أنا

(الشخص في مكانه المرتفع)

الشخص : لعنات ولعنات ولعنات لم ولن تنتهي ، لن تتركني أنس بالملق قط .. الصيحات كسهام

آتيه من خلف ظهري من أمامي عن يميني وعن يساري ... نصال سيوف الليل قد

وضعت على حنجرتي لتجتز عنقي لاااااااااااااااا ... سأقاتلك أيها الليل العين

سأستعين بفريسان النهار المخلدون ، سأقتلع عينيك من أم رأسك المتحجر .. أنا قادم إليك

.. قادم إليك يا رأس الخنزير .

(يظهر الشاب والفتاه وهم في حالة من السعادة والحب)

الفتاه : أول ما شفتك عمرى ما كنت أتصور إنى أحبك للدرجة دي .

الشباب : ليه شكلي وحش قوي كده ؟

الفتاه : كنت كارهاك بشكل مش طبيعى وشايفة فيك كل ألم إتألمته فى عمرى بحاله .. إنت عارف أنا شوفت فيك حبيبى اللى هجرنى والقواد اللى مشغلنى .. شوفت فيك ملامح كل واحد قضيت معاه ليلة .

الشاب : طب ودلوقتى ؟؟

الفتاه : شايفة فيك كل حاجة حلوة ونضيفة .

الشاب : بحبك .

الفتاه : خدنى ليك

(يرقصان رقصة رومانسية جداً)

(يظهر الشخص وحوله الجماجم مستأنسين جداً)

الشخص : سيمفونية رقيقة التكوين أنغامها تداعب أذان تهوى النغمات الملائكية سيمفونية رقيقة التكوين تنادى على ... تبحث عنى .. تنتظرنى .. تناجينى لتشدو بألحان كلاسيكية .. أنا .. أنا هنا وسأظل ما إستطعت .

(موسيقى الرقصة الأولى ، وتودى الفتاه نفس رقصة البداية وتتوقف الموسيقى ، يتنبه الشاب)
الشاب : فى حاجه غلط !

الفتاه : (تضحك) إنت بتكلم نفسك ؟؟

الشاب : لأ .. بس فيه حاجه غلط !

الفتاه : بتقول إيه ؟؟ مش سمعاك .

الشاب : إنتى بترقصى على إيه ؟؟

الفتاه : المزىكا طبعاً .

الشاب : مافيش مزىكا .

الفتاه : بطل كذب بقى .. مش كل يوم نفس الكدبه ... غير .. إنت إيه ما بتزهقش أبداً ؟

الشاب : النهارده بجد .. مافيش مزىكا فعلاً .. حتى إسمعى كده .

(تتنبه الفتاة لعدم وجود موسيقى)

الفتاه : أنا ما أقدرش ما أكملش رقص .. إنت عارف لازم أكمل لنهاية الرقصه (تحاول أن ترقص ولكن حركاتها تثقل جداً) أرجوك شغلها .. أنا كده هموت

(ينفعل الشاب بشده ويبدأ يبحث فى كل أرجاء المكان فى جنون وثوره شديده)

الشاب : مزىكا .. مزىكا .. بتشتغل منين ؟ طب أنا .. أنا ممكن أغنيك , وإنتى تكملى الرقصه .. يا ليللى يا ليللى ليللى .

(يبحث الشاب فى كل الأرجاء وبنفس حركته الأولى)

(الفتاه تبدأ فى الترجى)

